

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Diurnale chori Sive Horae diurnae Breviarii Romani

[S.I.], 1745

Oratio Dicenda ante Divinum Officium

[urn:nbn:de:bsz:31-139978](#)

Hymnus SS. Ambrosii & Aug.

ne su per nos, quemadmo dum spe ra vi-
mus in te. 4.T.
I N te Do mi ne spe ra vi, non
confundar in æ ter num. 4.T.

ORATIO

Dicenda ante Divinum Officium.

A Per Domine os meum ad benedicendum nomen
sanctum tuum: munda quoque cor meum ab
omnibus vanis, perversis, & alienis cogitationibus:
intellectum illumina, affectum inflamma; ut dignè,
attentè ac devotè hoc Officium recitare valeam,
& exaudiri merear ante conspectum divinæ Majestat-
is tue. Per Christum Dominum nostrum. Rx. Amen.

D Omine in unione illius divinæ intentionis, qua
ipse iu terris laudes Deo persolvisti, has tibi
horas persolvo.

Orationem sequentem devotè post Officium reci-
tantibus Leo Papa X. defectus & culpas in eo per-
solvendo ex humana fragilitate contractas indulxit.

Sa-

SAcrosanctæ, & Individuæ Trinitati, Crucifixi Domini nostri Jesu Christi humanitati, Beatisimæ, & gloriofissimæ, sempèrque Virginis Mariæ foecundæ integratati, & omnium Sanctorum Universitati, sit sempiterna laus, honor, virtus, & gloria, ab omni Creatura, nobisque remissio omnium peccatorum, per infinita sœcula sœculorum. **R.** Amen.
V. Beata viscera Mariæ Virginis, quæ portaverunt æterni Patris Filium.

R. Et beata Ubera, quæ lactaverunt Christum Dominum. Pater noster. Ave Maria.

Pater noster qui es in cœlis: sanctificetur nomen tuum: adveniat regnum tuum: fiat voluntas tua, sicut in cœlo, & in terra: panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris: & ne nos inducas intentationem: sed libera nos à malo. Amen.

Ave Maria, gratia plena, Dominus tecum, benedicta tu in mulieribus, & benedictus fructus ventris tui Jesus. Sancta Maria, mater Dei, ora pro nobis peccatoribus, nunc, & in hora mortis nostræ. Amen.

In principio Matutini, & Prime, ac in fine Completorii, dicitur etiam Symbolum Apostolorum.

Credo in Deum, Patrem omnipotentem, Creatorem coeli & terræ. Et in JESUM Christum, Filium ejus unicum, Dominum nostrum: qui conceptus est de Spiritu sancto, natus ex Maria Virgine, passus sub Pontio Pilato, crucifixus, mortuus, & sepultus: descendit ad inferos: tertia die resurrexit à mortuis: ascendit ad cœlos, sedet ad dexteram Dei Patris omnipotentis: inde venturus est judicare vivos & mortuos. Credo in Spiritum sanctum, sanctam Ecclesiam Catholicam, Sanctorum Communionem, remissionem peccatorum, carnis resurrectionem, vitam æternam. Amen.

IN